



Universitätsbibliothek Paderborn

**DE LEGE.|| ET OBITER DE LI=||BERTATE CHRISTIANA
AS-||SERTIONES THEOLOGICAE, AD PROXI=||mam
studiorum renouationem Anni 1573. in disputationem
propo=||nendae in Archiepiscopali Collegio Societatis ...**

**Broich, Willem von dem
Lupsius, Johann
Moguntiae, 1573**

Collatio legis & Euangelij. Cap. 17.

[urn:nbn:de:hbz:466:1-46889](#)

patribus loquebatur in prophetis, que ad exteriorem cultum & institutionem ritus pertinebant, nouissimè locutum in filio, que ad interiorem in tres reprehensiones incurret; primum enim, indignum est propter accessorium, Euangelium legi preponere velle; Deinde hoc filio Dei in carne venturo reseruare: postremo non satis meministi videbitur & charitatem preceptam, & cupiditatem in lege Mosis prohibitam, & fidem exactam fuisse: quibus quid absolutius reperiri posse, non video.

175. QVID igitur superest quo elabamur, cum non hominum commentum, sed Dei verbum sit expressum, euangelium legi successisse: nisi fateamur gratiam noui testamenti omnibus quidem seculis fuisse communem, sed gratiam unius hominis Iesu Christi in plures non abundasse: Abundantiam gratiae, & donationis, & iustitiae vulgo non fuisse oblatam: exspectatum esse, donec redemptio per Christum consummata, peccati impedimentum ab humano genere tolleretur.

Collatio legis & Euangeli Cap. 17.

176. INTEREA, quamvis gratia non ex vi legis daretur ipsi qui vivebant sub priori testamento, qua de causa recte dicuntur ad nouum pertinuisse: ipsa lex tamen ad eundem suos ducere finem conabatur, ad quem euangelium: sed ratione minus efficaci, vel, si ita vis, rudiori, quia pedagogica.

177. HINC fit ut lex noua cum veteri una fuisse, recte assertur. Una quidem fine, at non una perfectione. Illa enim in umbris, haec in luce; illa promissiones terrenas, haec spirituales & caelestes; illa timoris & seruitutis, haec amoris & libertatis; illa manum, haec animum cohibens; illa iubens, haec iuvans.

178. EX eo porro, quod legi nouae perfectio tribuitur, sequitur quoque euangelium legem complesse & perfecisse, tum iustificationem conferendo, quam illa verbis & signis quibusdam polliceri tantum potuit; Nam quod impossibile erat legi, in quo infirmabatur per carnem, Deus filium suum mittens, in similitudinem carnis peccati, & de peccato damnavit peccatum in carne, ut iustificatio legis impleretur in nobis; tum auctorem suum legi subiectando; tum praecipsis illius consiliano nulla, quae sponte qui vellet completeretur, adjicendo; sed & legis sensum exponendo; & alicubi rationem commodam & tutam eiusdem obseruanda tradendo,

179. SEQVITVR præterea veterem nouæ veluti semen quoddam et primam delineationem fuisse, ideo sicut posteriora prioribus insunt, ita nouam vetere contentam fuisse.

180. ILLVD postremo ex eadem assertione colligitur, non si multitudinem præceptorum

*Spes est, sed obedientiam quam noua exigit exactissimam, animi videlicet recessus abduc-
fimos omnes, non manum tantum, comprimens, difficultatis eam multo plus habere, quam
veterem: dico autem virtutibus destitutozalioqui, mandata eius grauia non sunt; amar-
tis scilicet, ut inquit D. August. fortis enim, ut mors, dilectio.*

Euangelium quid contineat & quae libertas Christiana. Cap. 18.

181. *PROPTERE*A enim lex perfectæ libertatis dicitur, quod, instinctu spiritus
diffundentis charitatem in corda nostra Deus suauiter quo voluerit sequentes ducit, non
repugnantes trahit.

182. *NON* ergo quod viuentibus sub Euangelio liceat, quod libeat, aut quod nulla in
omnino præcepta de officijs iusticie Christianæ, dicta libertatis lex credenda est.

183. *QVANQVM* diffitendum non est, ea etiam ex parte libertatem ei scribi, quod
Iudicialium & cærimonialium præceptorum pene innumerabilium veteris legis iungit, sub-
lato, non nisi necessaria plane exigat; cætera arbitrio cuiusq; nostrum, & maximè prælatu-
rum, quibus obedientiam præcipit deferamus, committens.

184. *NECESSARIA* planè sunt, sine quibus aut haber gratia, aut iustitia
non potest.

185. *HABERI* lege communi non potest sine sacramentis; sine quod ita Deo visum
est, sine quod cum omnis gratia de plenitudine verbi caro facti in nos deriuetur, per aliquos
sensibus subiecta id fieri debeat.

186. *RETINERI* non potest, sine actionibus dono gratiae congruentibus, & necessi-
tia quadam consequentia ex ea profluentib: minimè autem, cum repugnantibus. Quæ em-
participatio iustitiae cum iniquitate? aut quæ societas luci ad tenebras? quæ autem concur-
tio Christi ad Belial?

187. *IGITVR* homini Christiano neq; à præceptis sacramentorum, neq; à præceptis
iustitiae discedere licere, satis liquet. Si enim discesserit, aut gratiam non consequetur, aut
consecuta destituetur.

188. *S*i quæ autem sunt, quæ cum gratia cohærent, conferantq; ac plurimum quidem
ad tuendam iustitiam, non sint tamen ad eam rem necessaria: qui paruerint, multa laude
dignierunt, & gradum sibi bonum acquirent; qui non paruerint, absq; contemptuantes,
reprobendi non merebuntur. *Quapropter* libertas Christiana, non akephala, aut ataxis, est
mea.